

Баяндэлгэр сумын Иргэдийн төлөөлөгчдийн хурал,Засаг даргын Тамгын газрын
2021 оны 04дүгээр сарын мэдээ

2021.04.26

Нэг: Удирдлага, зохион байгуулалтын талаар:

а/ Сумын ИТХ-ын чиглэлээр: Сумын ИТХ-ын тэргүүлэгчдийн хурлаар 2021 онд Алдарт эхийн 2 дугаар зэргийн одон авах 18 эхийн материалыг бүрдүүлэн аймгийн ИТХ-ын ажлын албанд хүргүүлсэн.

б/ Тамгын газрын төрийн удирдлагын ажлын чиглэлээр:

Тухайн сард дээд газраас 26 албан бичиг ирсний 3 нь хариутай хугацаанд нь холбогдох газарт хүргүүлэн ажилласан.

Гамшгаас хамгаалах бүх нийтийн бэлэн байдлын зэрэгт шилжүүлсэн хугацааг сунгасантай холбоотойгоор дараахь шийдвэрүүдийг сумын онцгой комиссоос гаргалаа.

Гамшгаас хамгаалах бүх нийтийн бэлэн байдалд шилжсэн хугацааг 2021 оны 05 дугаар сарын 08-ны өдрийн 06:00 цаг хүртэл сунгаж зохион байгуулалтын арга хэмжээг үргэлжлүүлэх.

Хөдөлгөөнийг багасгах зорилгоор багуудын иргэдийг тогтоосон хуваарийн дагуу сумын төврүү орж, гарах байдлаар шийдвэрлэлээ. Заагдсан өдрүүдэд зөвхөн тухай багийн иргэд орж гарах ба гачигдал, эрүүл мэндийн шалтгаанаас өөрөөр бусад багийн иргэдийн хөдөлгөөнийг хязгаарлана.

Дэлгүүр үйлчилгээний байгууллагын ажиллах цагийн хуваарийг богиносгож 09:00-17:00 цагт байхаар өөрчлөлт оруулсан. Улаанбаатар хот /бусад аймаг, сумд/-руу ачаа тээвэр хийх болон зорчих хүсэлтийг сумын онцгойн саналыг үндэслэн аймгийн онцгой комиссоор шийдвэрлүүлдэг байхаар шийдвэрлэлээ.

Хоёр: Төсөв санхүүгийн чиглэлээр: Шилэн дансанд тухай бүр болон сар, улирлаар тавигдах мэдээллийг бүрэн тавьж илгээлээ.

Орон нутгийн төсвийн байгууллага, тусгай шилжүүлгийн байгууллагын санхүүжилтыг хуваарийн дагуу бүрэн олгогдсон.

Аймгаас авах санхүүгийн дэмжлэг, төсвийн орлого төсөв төлөвлөгөөний дагуу санхүүжигдсэн

Байгууллагын өр авлага төсвийн гүйцэтгэлийн мэдээг хүлээн авч ЗГУСХС бүрэн мэдээлсэн .

Статистикийн байгууллагад хүргүүлэх жилийн эцсийн болон сар улирлын мэдээ тайланг хугацаанд нь гаргаж хүргүүлсэн.

2020 оны жилийн эцсийн санхүүгийн нэгдсэн тайлан бүх төсөвт байгууллага төрийн аудитын зөрчилгүй санал дүгнэлт гарсан.

Гурав. Хууль, эрх зүйн бодлогын хүрээнд: Хөдөлмөрийн аюулгүй байдал эрүүл ахуйн чиглэлээр цахимаар мэдээ мэдээлэл хүргэн ажиллаж байна. Суманд халдварын тохиолдол бүртгэгдсэнтэй холбоотойгоор ухуулга сурталчилгааны ажлыг зөвхөн мэдээллийн хэрэгсэл болон цахим хэлбэрээр зохион байгуулах чиглэлийг баримтлан ажиллаа.

Дөрөв. Боловсрол, соёл, эрүүл мэнд, нийгмийн хамгааллын бодлогын хүрээнд:

Хөдөлмөр эрхлэлтийн чиглэлээр: Хөдөлмөр эрхлэлтийн бүртгэл мэдээллийн нэгдсэн сан /LMIS/-д бүртгэлтэй ажил хайгч хөдөлмөрийн насны ажилд орсон 2 иргэнийг хөдөлмөрийн зах зээлийн мэдээллийн нэгдсэн санд бүртгэсэн.

2014-2020 онд Хөдөлмөр эрхлэлтийг дэмжих сангаас зарлагдсан төсөл хөтөлбөрт хамрагдсан 21 иргэний 1396250 төгрөгийн зээлийн эргэн төлөлт хийлгэхээс 12 иргэн 18,382,0 төгрөгийг төвлөрүүлсэн.

"Хөдөлмөрийн аюулгүй байдал, эрүүл ахуй"-н сарын аян зохион байгуулах албан бичгийг байгууллагын дарга нарт хүргүүлсэн.

Хөдөлмөр нийгмийн хамгааллын яамнаас зохион байгуулсан "Хөдөлмөрийн аюулгүй байдал эрүүл ахуйн" ажилтнуудыг мэргэшүүлэх 2 өдрийн сургалтанд хамрагдсан. Мөн албан байгууллагын дарга, эрхлэгч нарт линкийг явуулж сургалтанд хамрагдсан.

Нийгмийн халамжийн чиглэлээр: Хүнсний эрхийн бичгийн үйлчилгээнд хамрагдаж байгаа 58 өрхийн цахим картыг пин коджуулах ажил 94,8%-тай явагдаж байна.

Өдөр бүр өрхийн пин коджуулалтын мэдээ болон хүнсний эрхийн бичиг авсан өрхийн мэдээг 15 цагт хүргүүлж байна.

Хөгжүүлэхээр сонгосон 30 өрхийн судалгааг гаргаж холбогдох мэргэжилтэнд хүргүүлсэн.

Иргэдээс ирсэн тэтгэвэр, тэтгэмжийн материалыг цаг тухай бүр нь цахимаар хяналтын мэргэжилтэн рүү явуулж тухайн сард олгодох тэтгэмжийг оруулж байна.

Бүрэн дунд сургууль: Сүхбаатар аймагт Короно вирусын халдвар бүртгэгдсэнтэй холбогдуулан танхимын сургалтын үйл ажиллагааг 03 сарын 29 нөөс 05 сарын 08 хүртэлх хугацаагаар зогссон боловч танхимын бус зайны сургалтын үйл ажиллагаа тасралтгүй явагдаж байна.

- БШУЯ-аас зохион байгуулж буй теле хичээлийг хуваарийг сургууль болон ангийн групп чатаар байршуулж, сурагчдын хамрагдалт болон үр дүнг анги даасан багш , мэргэжлийн багш нар хянаж зөвлөгөө зөвлөмж болон нэмэлт даалгавар өгч ажиллаж байна.

- Багш нар мэргэжил мэргэжлээрэй нэгдэн сургалтын менежерын гаргаж өгсөн хуваарийн дагуу тогтмол цагт сурагчидтайгаа meet-ээр холбогдон зайны цахим, сургалтаа теле хичээлтэй холбон явуулж байгаа нь шинэлэг бас үр дүнтэй байна.

-Мөн багш удирдлагууд цахим сургалтанд хамрагдан мэргэжил боловсролоо дээшлүүлж байгаа. Үүнд: Эртэч багш сургалтанд 5 багш, Байгалийн ухааны сургалтанд 6 багш, Дэлхийн менежмент, их нүүдэл сургуульд суурилсан менежмент, боловсролын чанарын шинэчлэл төслийн сургалтанд захирал сургалтын менежерүүд, Цахим хичээл бэлдэх арга зүй сургалтанд 15 багш монгол бичиг, дэлхийн том хичээл,интерактив хичээл боловсруулах арга зүй, компьютерийн сургалтнуудад хамрагдаж мэргэжил боловсролоо ажлын байрандаа дээшлүүлж байна.

- "Дэлхийн мөнгөний долоо хоног"-2021 аяны хүрээнд зохион байгуулагдсан Минии хуримтлал гар зургийн уралдаанд 9-р ангийн сурөгч М.Намуун 2-р байр эзлэв.

-Үндэсний бичиг үсгийн өдөр"-ийг тохиолдуулан сумын иргэд төрийн болон төрийн бус байгууллага албан хаагч, ЕБС –ийн сурагчдын дунд "Үзгийн хичээнгүй бичиг" уралдааныг зарлаад байна.

- Нийгмийн ажилтан О.Алтангэрэл анги даасан багш нартай хамтран “Гэр гэртээ хөгжицгөө” цахим уралдаан эцэг эх сурагчдын дунд зохион байгууллаа.

- ЕБС-ийн багш ажилчид хуваарийн дагуу 13 ээлжээр давхардсан тоогоор 26 хүн постонд гарч, өдөр бүр 6 хүний бүрэлдэхүүнтэй хариуцлагатай жижүүр ээлжинд гарч ААН албан байгууллага, хувь хүмүүст зөвлөгөө зөвлөмж өгч сумын цагдаагийн тасагтай хамтран ажиллаж байна.

Эрүүл мэндийн төв: Амбулатороор үйлчлүүлж буй иргэдэд коронавирусын талаар зөвлөмж өгч гарыг ариутгаж халуун үзэж байна.

Ковид-19 халдварын түргэвчилсэн шинжилгээг 190 иргэнд хийж 2 эерэг гарсныг аймгийн нэгдсэн мэнэлэг шилжүүлсэн. Голомтын эцсийн ариутгал 150мкв талбайд, голомтын байнгын ариутгалыг 86 мкв талбайд хийсэн. Голомтод бүс нутгаар зорчин ирсэн иргэдийг гэрийн ажиглалтын хугацаа дууссан өдөр ковид-19 халдварын түргэвчилсэн шинжилгээ хийн ажиллаж байна.

Ковид-19 халдварас урьдчилан сэргийлэх Хятад улсын Синофарм үйлдвэрийн Вероцелл вакцины эхний тунг ЭМТ-ийн эмч, ажилчид ЕБС, хүүхдийн цэцэрлэгийн багш ажилчид, Сумын онцгой комисс, Мал эмнэлэг, Цагдаа, Эрчим хүчний 180 хүнийг бүрэн хамруулсан. Одоо 2 дахь тунг татан авах бэлтгэл ажил явагдаж байна.

Цэцэрлэг: Багш ажилчид ажлын байран дээр 3 ээлжээр өдөр бүр богиносгосон цагаар ажил үүрэгээ гүйцэтгэж байна.

Хорио цээртэй байгаа энэ үед сумын зүүн тал буюу аймгийн зам дээр 7 ээлжээр 29 багш ажилчид постонд гарч байна.

Ажлын байранд өөрийгөө хөгжүүлэх сургалтыг тасралтгүй зохион байгуулж аргазүйч, 4 багш 5 удаагийн сургалт зохион байгуулж нийт давхардсан тоогоор 52 багш ажилчид хамрагдсан байна.

Сүхбаатар аймгийн БСУГ-ын газраас багш ажилчидруу чиглэсэн цахим сургалтуудыг зохион байгуулж байна. Үүнд: “Үр дүнд суурилсан бодлого төлөвлөлт хяналт шинжилгээ үнэлгээ” цахим сургалтанд эрхлэгч, “5 настай хүүхдийг сургуульд бэлтгэх” цахим сургалтанд бэлтгэл бүлгийн багш нар 3 удаа хамрагдаж 5 настануудад бэлтгэсэн 1,2-р даалгаварыг хүргэж өгсөн. “Математикийн энгийн төсөөлөл ээлжит боловсруулах нь” сургалтанд дунд бүлгийн 2 багш 2 удаа тус тус сургалтанд хамрагдсан байна.

“Дэлхийн том хичээл - Тогтвортой хөгжлийн боловсрол” үндэсний хэлэлцүүлэгийн хүрээнд зарлагдсан хичээл төлөвлөлтийн уралдаанд аймгийн хэмжээнд 4 бүс болон хуваагдаж 1-р шатандаа “Байгальд ээлтэй гутал” сэдэвт хичээлийн төлөвлөлтөөр орж бүсээсээ 1-р байранд шалгарч 2-р шатандаа амжилттай оролцсон.

Ковидын эсрэг вакцинд байгууллагын 29 багш ажилчид хамрагдаж 1-р тунгаа хийлгэлээ. Мөн Эрүүл мэндийн төвтэй хамтран 30 багш ажилчдыг урьдчилан сэргийлэх үзлэгт хамрууллаа.

“Халдвар хамгааллаа чангалцгаая” 14 хоногийн аянд нэгдэж ААН-үүдээр 3 удаагийн хяналт хийж 305 гарын авлага тараахын зэрэгцээ байгууллагын цахим хуудас болон бүлгийн дотоод группээр 65 мэдээ мэдээллийг бэлтгэн хүргэсэн байна. Мөн энэ үеэр бүлгийн багш нар хүүхдүүдэд гэрээр ажиллах дасгал даалгаврыг тарааж өгсөн.

Байгууллагын залуучуудаас санаачлан Сумын онцгой комисс, сумын цагдаагийн тасаг, постонд гарч байгаа төрийн албан хаагчиддаа баярлалаа гэж хэлье уриалгыг дэвшүүлэн 5 постонд гарч байгаа төрийн албан хаагчдад халуун хоол, цай, аарц, витаминаар үйлчилж сумын ард иргэдээ уриалга хүргэж ажиллаа.

Соёлын төв: Аймгийн засаг даргын “Бэлэн байдлын зэрэгт шилжүүлэх тухай” 2021 оны 03 сарын 29-ны А/200 тоот захирамж, МУЗГ-ын 2021 оны 04 сарын 08-ны өдрийн 91 дүгээр тогтоолын дагуу гамшгаас хамгаалах бүх нийтийн бэлэн байдлын зэрэгт шилжсэнтэй холбогдуулан Соёлын төвийн ажилтан албан хаагчид хөдөлгөөнт хяналт болон сумын баруун хойд замын 2-р постонд үүрэг гүйцэтгэж ажиллаж байна.

Байгууллагын цахим хаягт соёл урлагийн болон цаг үеийн нөхцөл байдлын мэдээ мэдээлэл, КОВИД-19 өвчнөөс урьдчилан сэргийлэх заавар зөвлөмж зэрэг мэдээ мэдээллүүдийг тогтмол оруулан ажиллаж байна.

Үндэсний хөгжмийн талаар цуврал танилцуулга бэлтгэн цахимаар хүргэлээ. Мөн гитарын цахим хичээл, Соёлын өвийн тухай, сонгодог урлаг болон урлаг соёл танин мэдэхүйн холбогдолтой мэдээллүүдийг цахим хаягт оруулан ажиллаа.

Хорио цээрийн дэглэмийн үед номын сангийн үйлчилгээг ард иргэдэд цахимаар хүргэхэд анхаарч 3 тууж 11 өгүүллэгийг цувралаар оруулж уншигчиддаа хүргэлээ. Элсэлтийн шалгалтанд бэлтгэж буй багш сурагчид, оюутнууд гэх мэт зайлшгүй шаардлагатай уншигчдад гэрээр ном олгож үйлчилж байна

Мөн аймгийн нийтийн номын сангаас зохион байгуулж буй Нутгийн зохиолчдын бүтээлийг сурталчилах чөлленжид нутгийн уран бүтээлч Г.Баатарнум, У.Буд, Ж.Адъяасүрэн нарыг оролцууллаа.

Талын найраг уран бүтээлийн цахим уралдаанд А.Буянхүү, В. Санжаадорж нар оролцож байна. Аймгийн тэргүүний уншигч шалгаруулах “Судар эгшиглэн” төслийн 2-р шатанд 1 сурагч 5 багш оролцож байна.

2021.04.22-нд мэргэжлийн хяналтын газраас зохион байгуулсан “Агаарын бохирдлыг бууруулах нь” цахим сургалтанд хамрагдлаа. Соёлын төвийн гаднах талбайн тохижилтын ажлыг хийж гүйцэтгэлээ.

Тав: Хөдөө аж ахуй, байгаль орчин, үйлдвэрлэл үйлчилгээ, дэд бүтцийн хүрээнд:

Байгаль орчин: Бүх нийтийн мод тарих өдрийг угтан БОАЖГазарт 670 ширхэг, нийт 5 730 000 төгрөгийн модны захиалгыг хүргүүлээд байгаа бөгөөд энэхүү өдөрт зориулсан “1 өрх 5 мод” уриалгыг гарган шторк, танилцуулгыг бэлтгэн сумын группүүдэд тавьж ард иргэдийг уриаллаа.

Ус хангамжийн үйлчилгээг сайжруулах ажлын хүрээнд сумын төвийн 3 усан сан, Өлзийт худгийн түгээгч нартай гэрээг байгуулан ажиллаа.

Аймгийн засаг даргын хээрийн түймрээс урьдчилан сэргийлэх албан даалгаврын биелэлтийн хүрээнд ажлын хэсэг байгуулан төлөвлөгөө гаргаж, хаврын хаваршилтын үед гал түймрийн аюулаас урьдчилан сэргийлэх арга зөвлөмж, мэдээ мэдээллийн 5 шторкыг сошиал группүүдэд түгээн ажиллалаа.

Хөдөө аж ахуйн чиглэлээр: Аймгийн Засаг даргын 2021 оны 03 дугаар сарын 29 ны өдрийн А/200 тоот “Бэлэн байдлын зэрэгт шилжүүлэх тухай” захирамжийн дагуу 2021 оны 04 дүгээр сарын 02- ны өдөр Цагдаагийн тасаг, мал эмнэлэгтэй хамтран кароаке хүнсний чиглэлээр үйл ажиллагаа явуулж буй аж ахуй нэгжийн дарга, эрхлэгч нарт захирамжийг танилцуулж архи согтууруулах ундааг худалдан борлуулахыг хориглож 3 караоке, 9 дэлгүүрийн 4606 ширхэг согтууруулах ундааг тоолж битүүмжилсэн.

Сум хөгжүүлэх сангийн зээлийн мэдээлэл төв банкинд бүртгэгдэж байгаатай холбогдуулан 53 зээлдэгчийн мэдээллийг нэг бүрчлэн зээлийн гэрээ, дансны хуулагтай тулгаж зөрчлийг арилгасан.

Мөн зээлдэгч нартай утсаар болон биечлэн уулзаж зээлийн мэдээлэл монгол банканд бүртгэгдэж байгаа, зээлийн эргэн төлөлтийг хуваарийн дагуу төлөх талаар зөвөлгөө өгч ажиллалаа.

04 дүгээр сард сум хөгжүүлэх сангаас 5 иргэнд 18,0 сая /арван найман сая / төгрөгийн төслийн зээл олгохоор зээлийн гэрээ хийсэн.

Сумын хүнсний гол нэрийн бүтээгдэхүүний нөөцийн мэдээг 7 хоног бүрийн 1,4 дэх өдрүүдэд аймгийн ХХААГазарт хүргүүлж байна. 2021 оны 04 дүгээр сарын 26 ны байдлаар сумын хэмжээнд гурил – 64, гурилан бүтээгдэхүүн- 4, будаа-52, хуурай сүү-37, өндөг-2, ургамлын тос-13, төмс- 8, хүнсний ногоо- 2, элсэн чихэр- 21, давс- 74 хоногийн нөөцтэй байна.

Оготно тархалтын судалгааг багуудаас авч нэгтгэн аймгийн ХХААГазарт хүргүүлсэн. Мал төллөлт, бойжилт, том малын хорогдлын мэдээг 7 хоног бүрийн 3 дахь өдөр ХХААГазарт, сар бүрийн эцэст статистикийн хэлтэст программд шивж орууллаа. Малын хорогдол бүгд 8290, адуу- 87, үхэр- 447, хонь- 3779, ямаа- 3977. Мал төллөлт бүгд 127929, ингэ- 60, гүү- 1840, үнээ- 3267, эм хонь- 74705, эм ямаа- 48057 төллөсөн байна.

Мал эмнэлэгийн чиглэлээр : Аймгаас цусан халдвар өвчнөөс урьдчилан сэргийлэх вакцин 72,8 л-ийг татан авчирч МЭҮН-үүдэд хуваарилан олгосон.

Өнөөдрийн байдлаар сумын хэмжээнд адуу-87, үхэр-447, хонь-3779, ямаа-3977 бүгд -8290 мал хорогдсон мэдээтэй байна. Үүнээс сумын төвийн ойролцоох болон төв зам дагуу, мөн бэлчээрт ил задгай хаясан хорогдсон адуу-25, үхэр -63, хонь-565, ямаа-885 амьтан-6 бүгд 1544 малын сэг зэмийг ачин хогийн цэгт булж устган суперкилл бодисоор халдваргүйтгэл хийсэн.

Мөн нийтийн эзэмшлийн талбай-11800 мкв, хашаа хороо- 10100 мкв , өтөг бууц-8250 мкв, худаг ус-1400 мкв, бэлчээр-6050 мкв, устгалын нэг цэгийг тус тус ариутгаж халдваргүйжүүлсэн.

Ковид-19 гарсантай холбоотойгоор сумын төвийн 43 албан байгууллага, аж ахуй нэгж, үйлчилгээний газрын 56.6 мянган м/кв талбайд ЗДТГ, МЭҮН- н 5 аж ахуй нэгж хамтран ариутгал халдваргүйтгэлийг хийж ажиллаа.

04 дүгээр сарын 18-ны өдөр 5-р багийн малчин Б –ээс нэг үхэр өвчилсөн дуудлага ирсний дагуу очиж үзэхэд үхэрт галзуу өвчний анхны шинж тэмдэг илэрсэн байсан. Үхрийг устгаж, эцсийн оношийг батлуулахаар Аймгийн мал эмнэлгийн лабораторит тархинаас дээж авч хүргүүлсэн. Шинжилгээгээр галзуу өвчин болох нь батлагдсан тул сумын засаг даргын захирамжаар /А-48/ хорио цээрийн дэглэм тогтоож,

галзуу өвчинтэй тэмцэх зааварын дагуу ариутгал халдваргүйжүүлэлт хийж хүн, мал техникийн хөдөлгөөнд хяналт тавин ажиллаж байна.

Нэгтгэсэн: ХЭЗХ-мэргэжилтэн

Ж.Долгорсүрэн